



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

59. Albertus dominus Cudicensis donationes ab Alberto Dinterae, & Almerico Heseuici dominis factas, in vsum monasterij Bernensis, confirmat.

urn:nbn:de:hbz:466:1-10903

Wilhelmus Appelgrau,
Egeno de Har, & filius suus Robertus.
Henricus Spiegel. Helias.

Gesta sunt autem hæc anno ab incarnatione Domini millesimo centesimo nonagesimo sexto, Imperatore Henrico, Episcopo Leodiensi Alberto, Traiectensi autem Balduino, Duce Brabantiae Henrico. 1196.

C A P V T L I X .

*Albertus dominus Cudicensis donationes ab Alberto Dinteræ, &
Almerico Heseuici dominis factas, in usum monasterij
Bernensis, confirmat.*

IN nomine sanctæ & indiuiduæ Trinitatis, amen. Ego ALBERTVS de Kuc omnibus Christi fidelibus tam posteris quam praesentibus in perpetuum.

Cum facta patrum præcedentium non semper tangant memoriam posteriorum, necessarium duximus ea diligentioris stili officio describi, quæ sanctæ devotionis intuitu consummata vigili memoria perpetuè expedit commendari.

Hinc est, quod ea quæ deuoto incohata principio dignoscimus, idoneo fine terminare satagimus: scilicet quod quidam liberæ conditionis miles Albertus de Dinteræ quandam curiam in suo allodio apud Berneheze possedit, in cuius possessionem iure hereditario successit.

Dicta autem curia hoc juris in silua Dinteræ huc usque & nunc obtinet & obtinuit, quod eius incolæ & ligna ardenda, & ligna ædificijs in eodem allodio construendis apta, pro suo placito, ad plenum liberè possunt educere.

Porcos itaque domesticos in prælibata silua possunt sine decima nutritre, communibus pascuis pratorum & riuorum, cum suis coheredibus, participare; nec super his Domini de Kuc vel alicuius sui coheredis prohibitionem vel grauamen formidare.

Alter itaque eiusdem conditionis miles Almericus de Hesvvc, apud Berneheze, curiam aliam, in suo allodio, eodem iure, quo & prædictus miles possedit; quæ curia prænominata euriæ ius in omnibus

nibus & per omnia à primo fundamento hactenus quietè obtinuit;

Horum militum vterque utramque curiam conuentui B. virginis Mariæ in Berna integrè & irreuocabiliter, patris mei Henrici consensu annuente, contulit. Conuentui quoque prædicto de bonis de Ambershoye collata est dimidia potestas, qua quælibet curia pollet.

Contulit etiam dicto monasterio nominatus Albertus de Dintere medietatem de Losebruc, tam in arboribus quam in plantis.

Nos autem dictis eleemosynarum largitionibus nunc, nostri scripti & sigilli munimento, fidele testimonium adhibentes, ea que prælibauimus, rata & inconuulsa volumus permanere.

Qui autem sacrilego ausu hæc turbare vel violare attentauerit, diuinæ sententia & nostræ animaduersioni, usque ad condignam & plenariam satisfactionem, subiacebit.

N O T A T I O N E S.

DINTERE) vicus Brabantiae, secundo lapide à Silua Ducis si-
tus, patria, nisi fallor, aut dominium Emundi Dinteri, quattuor Du-
cum nostrorum Secretarij, qui scripsit Historiam Brabantiae ms.
apud me, & obiit an. 1448. Bruxellis conditus ad S. Iacobum in
monte Palatino, quem vulgo Frigidum nuncupant.

Vicorum de Dintere & de Heeswyck dominus est N. Sercla-
sins, Comes de Tilly, cuius patruus Ioannes felicissimè nunc præst
copijs Catholici fœderis.

HNRICVS) dominus de Kuc, alias Cuyck: quod amplum est
territorium, & antiqua Baronia Brabantiae, ad Principem Arausio-
nensem pertinens. Cukensi seu Cudicensi ditioni hodie accensetur
Grauia, opidum munitum ad Mosam: de quo vide supra lib. I. cap.
90. & seq.

MGHEM) est hodieque Comitatus & feudum Brabantiae, olim
gentis Brimeuæ, nunc Croyæ.

BERNA porro, olim Hollandiae, nunc Brabantiae est Abbatia,
ord. Præmonstraten sis, an. 1134. à Folcodo eius loci domino fun-
data: ut supra lib. I. cap. 52. docui. Folcoldus assumpta ueste regulari
Bernæ annis XV. vixit, & die 12. Aprilis an. 1149. decepsit. Bernen-
ses Canonici hodie incolunt domum Fratrum vitæ communis,

in

in vrbe Siluiducensi, quam sibi pretio compararunt.

BERNEHESE) nunc Bernheste est tractus terrarum, partim sub iurisdictione vici Hesevicensis, partim Dinterensis, secundo la- pide à Busco-Ducis: ex quibus potissimum prædijs Bernenses ho- die aluntur.

C A P V T L X .

Balduinus Flandriæ & Hannoniæ Comes, post Imp. Constantino- politanus, Gerardimontensis opidi leges & priuilegia à prædecessoribus suis concessa, firmat ac stabilit.

Ego BALDWINVS, Flandriæ & Hannoniæ Comes, vniuersis no- tum fieri volo, quod prædecessor noster Balduinus, tam Flan- driæ quām Hannoniæ Comes, allodium quoddam in parochia de Hunighem, à quodam GERALDO, magnæ auctoritatis viro em- ptum, sibi vendicauit, in quo opidum construendum elegit, quod à Geraldō Ger ALDIMONIS nominari placuit.

Viso autem, quod prædictum allodium, pro paruitate & breuita- te sua minimè sufficeret ad ea, quæ opido construendo forent ne- cessaria, de parte prædicti allodiū dominū de Boulaer feodauit, vt quæ ad usus Geraldimontensium essent necessaria, prouideret.

Dedit igitur dominus de Boulaer, in recompensationem feudi prænominati, Balduino Comiti, ad usus Geraldimontensem Bus- smont, sicut ipse possedit, & Cortflade, & pasturam à ponte supe- rioris Boulaer usque Hunighem, à Tenera usque ad terram arabi- lem. & ab Hersebecke, sicut Dutchem prætersunt usque Teneram.

Dedit etiam omnem pasturam à Boulaer castello, usque Grime- ghem: addidit insuper, quod quibuscumque aquis vel pascuis ho- mines sui uterentur, liceret Geraldimontensibus uti communiter.

Præterea prædictus Comes Raspaliam acquinavit Geraldimon- tensibus, qui postea communi consilio & assensu totius villæ domi- no & patre meo Balduino, Comiti Flandriæ & Hannoniæ & Mar- chioni Namucensi libere contulerunt, in cuius restitutionem præ- dictus Comes dedit Geraldimontensibus mediataem Hallæ, in omni iure suo, perpetuè possidendam.

His ita ordinatis Balduinus Comes considerans, quod prædictum opidum,